



Brienz/Brinzauls

Broschura d'infurmaziun Decurs dall'evacuaziun

Data da creaziun: 20-06-2019 | V01



Gemeinde / Cumeagn
Albula / Alvra

Tgera abitanta, tger abitant da Brienz/Brinzauls

Evenimaints tgi mettan sotsour igl noss mintgade u tgi mettan an prievel la nossa siertad, èn pussebels er tar nous – er schi nous ans santign cò sieirs. Perchegl ègl impurtant dad esser paragea bagn.

Chella broschura az mossa, noua tgi Vous cattez ageid per cass da realitat e scu tgi Vous vez da sacuntigneir. Ultra da chegl niz a saveir, scu tgi Vous stuez sa parager per ena evacuaziun eventuala.

Lige attentamaintg las infurmaziuns e **tigne
bagn an salv chesta broschura.**

Vez dumondas?

Az vulve tar nous:

Hotline: +41 79 936 39 39

www.albula-alvra.ch sot «Actual»

Evacuaziun

Uscheia succeda l'evacuaziun



Igl cumegn metta an funcziun igl **alarm**. La populaziun vign supplitgeida da bandunar igl territori sur las rutas d'evacuaziun. Observe las infurmaziuns digl otplidader.



**TSCHARTGEA
AGEID**

Per cass tgi duvrez ageid durant l'evacuaziun, ni tar igl li da scuntrada per **cass d'urgenza tar la truasch da vischnanca a Brienz/Brinzauls**. Lò survagniz infurmaziuns davart l'evacuaziun e pudez supplitgier per ageid.



Segl **post da controlla alla «Punt da Belfort»** registreschan igls pumpiers las Vossas datas persunalas. Uscheia obtignan las forzas d'ageid ena survista, tgi tgi ò banduno la vischnanca. Chella survista serva alla Vossa siertad.



Segl **post da rimnada e d'infurmaziun ainten la scola d'Alvagni vischnanca** survagniz cutiers tenor basigns e tgi pudez retrer spertamaintg.



Durant e siva l'evacuaziun survagniz Vous las infurmaziuns basignevelas digl cumegn sur en sarvetsch dad SMS u antras publicaziun alla tavla neira ainten la scola d'Alvagni vischnanca. Vez dumondas? Alloura s'annuntzge sur la **hotline +41 79 936 39 39**. **Betg** duvre per plascheir igls nomers d'urgenza generals.



Las instanzas procuran, tgi confamigliars restan ansemen durant l'evacuaziun u tgi vigan reunias schi spert scu pussebel.

Alarm sur ples canals

Uscheia succeda igl alarm



Igl cumegn metta an funcziun igl alarm per igls territoris pertutgias sur en sarvetsch dad SMS.

Per cass tgi Vous az cattez ordvart igl territori periclico, az supplitgainsa da contactar la hotline +41 79 936 39 39 e d'ans communitgier tgi Vous seias gio an siertad.



Igl alarm general vign mess an funcziun sur igls indrezs dallas sirenas fixas.

Tge ègl da far:

- tadlar radio;
- suandardar las infurmaziuns dallas instanzas;
- infurmjar igls vaschigns;
- pachetar tenor la glista da controlla e sa metter an siertad sur la ruta d'evacuaziun.



Cun sirenas mobilas sen vehichels niz randias attents supplementarmaintg all'evacuaziun.

 **ALERTSWISS**
www.alert.swiss



Sur la plattaforma naziunala Alertswiss niz Vous alarmos ed infurmros per cass da realitad tras las instanzas. Cun l'APP Alertswiss survagniz Vous alarms, avertimaints ed infurmaziuns scu novitads da Push directamaintg sen igl Voss apparat mobil.

Glista da controlla «Evacuaziun»

Uscheia vogl

Suande las instrucziuns dallas instanzas.

Infurme e sustigne vaschigns e persungas tgi dovran ageid aint igl Voss conturn.

-  Pachete la Vossa bagascha d'urgenza: documaints personals (pass u carta d'identidad, permess dad eir cun auto, cartas da sieranza, carta da virola) daners contants e cartas dalla banca, telefon mobil cun apparat per carger, medicamaints, artetgels da tualetta, vistgadeira, spievels, pitschnas tgossas custevlas, tarmagls per igls unfants.
-  Per cass tgi vez taimp avonda, schi pachete chegl tgi savez piglier cun vusezs (documaints personals, albums, computer/laptop e meds d'arcunar, ulterioras tgossas custevlas, etc.).
-  Prepare la Vossa abitaziun per la Vossa absenza: stidar apparats electrics, sarar spegnas da gas ed ava, stidar flommas avertas, sarar las fanestras ed igl isch-tgesa.
-  Pigle cun Vous igls voss animals da tgesa.
-  Bandune igl territori periclico cun igls voss agens meds da transport sur la ruta d'evacuaziun.
-  Passe per plascheir igl **post da controlla «Punt da Belfort»**.
-  S'annuntzte per cass da basigns tar igl **post da rimmada e d'infurmaziun an scola d'Alvagni vischnanca**.



Igl voss li da scuntrada per cass d'urgenza

Truasch da vischnanca a Brienz/Brinzauls

Schi smanatscha prievel niz Vous randias attents alla evacuaziun tras igl alarm general (sirena cun tung regular ascendent e descendant) scu er tras annunztgas sur en otplidader. Observe las ordinaziuns.

Schi Vous duvrez sustign durant l'evacuaziun (p.ex. transport) alloura ge agl li da scuntrada d'urgenza tar la truasch da vischnanca a Brienz/Brinzauls. Lò survagniz infurmaziuns davart igl decurs dall'evacuaziun e savez supplitgier per ageid.

Schi Vous na savez betg neir agl li da scuntrada d'urgenza schi supplitge igls Voss confamigliars u vaschigns per ageid u s'annunztge sur la hotline +41 79 936 39 39.



Post da controlla «Punt da Belfort»

Segl post da controlla «Punt da Belfort» vignan registros tot igls abitants tgi on banduno la vischnanca.



Post da rimbada e d'infurmaziun Scola Alvagni vischnanca

Segl post da rimbada e d'infurmaziun an scola d'Alvagni vischnanca az vign mess a disposiziun tenor basigns ageid medicinal e pussebladads da cutier.


Ultra da chegl vignan publitgeidas lò las communicaziuns dallas instanzas e Vous survagniz infurmaziuns scu tgi vo anavant.

Cutier siva dall'evacuaziun

Per igl taimp dall'evacuaziun duvrez Vous cutiers adattos. Chels savez organisar vusezs u supplitgier igl cumegn per en li adatto. Agl post da rimbada e d'infurmaziun ainten la scola d'Alvagni vischnanca survagniz sclaramaint ed ageid.

Evacuaziun: an direcziun Alvagni vischnanca

Survista



Territori d'evacuaziun

Givelas bloccadas

Ruta d'evacuaziun

Post da rimnada e d'infurmazion

Voss li da scuntrada per cass d'urgenza

Vez dumondas?

Az vulve tar nous:

Hotline: +41 79 936 39 39

www.albula-alvra.ch sot «Actual»